

△ 觀音玄義卷上，大34P877上：釋名，通以十義釋經名（觀世音普門）：一人法，二慈悲，三福慧，四真應，五藥珠（藥樹王身，療治苦患；如意珠，能雨大千珍寶。喻救度厄苦難，雨寶相雨得涅槃樂。）六冥顯（二益），七權實（自行權實，化他權實，自行化他合明權實。）八本迹，九了因緣，十智斷。
大34P878上：「三藏菩薩得有慈悲福慧伏惑之義，既伏而不斷，故無真應七法。（三藏菩薩不斷惑，見輔宏記P1342七行註文；然此菩薩全不断惑，三祇百劫，伏惑行因等。）」
大34P878中：「三藏中三意（人法、慈悲、福慧），於利人密去，於鈍人成酷。」

觀音玄義記卷一，大34P896中：「三藏別就菩薩，唯有人法、慈悲、福慧三雙，以未斷惑，故無真應等義。」大34P896下：「三藏但小，故無顯露得大益者，若八萬諸天獲無生忍，故云密去，二乘之人，方破見思，故但成酷。」

△ 輔宏記P330六行：“又大疏曰，常住者，此非全是六度菩薩，——” 大經卷二十五，大12P767中：「復次善男子，慧莊嚴者，所謂諸佛菩薩；福德莊嚴者，謂聲聞緣覺九住菩薩。復次善男子，福德莊嚴者，有為有漏、有有、有果報、有礙非常，是凡夫法。慧莊嚴者，無為無漏、無有、無果報、無礙常住。」 大經疏卷二十三大38P174下：「取九住已還為福德，十住及佛屬智慧。後以果地為智慧，因中為福德。今約三教而分別之：十地發真破無明故是智慧者，此別教意。十住菩薩與佛同為智慧者通教意。因中為福，果上為智者，六度因中都不断惑，故是福德；佛斷惑故是智慧。而文云常住者，此非全是六度菩薩，若消此文，應云利根人於三藏中宜聞常住，聞即得解，如初轉法輪時八萬天子得無生忍。最下既然，例餘亦爾，乃是密教意。」

△ 輔宏記P332八行：“如妙樂云，阿難非不傳秘，——是故傳秘，祇名傳顯。」

法華經三大部補注卷四，正續44，P55下：「準玄籤中，此是顯秘同時之意。以由此座說頤，十方說漸不定等（見輔宏記P323八行註文），於此是顯，於彼是密；各不相知，互為顯密。故釋籤引大論中明顯密音聲，然後乃云此據別說。若約體論，二義俱時。傳秘名顯，不其然哉？」
(釋籤引大論之文，見會本上冊P58，佛陀版上冊P63。大論文載卷三十，大25P284上。籤云大論三十一者，與大正藏不符。)

△ 輔宏記P332四行：“答，十方密有，一席定無。” 玄籤會本上冊P60，佛陀版上冊P66。
妙玄：「各各不相知，互為顯密。」釋籤：「此中顯露亦義通餘七，以秘不出此七故也。故前文云，顯露漸頤（會本上P56，佛陀版上P62：「但約顯露，明漸頤五味之相。」）及顯露不定（會本上P59，佛陀版上P65：「此乃顯露不定」），故七並是顯露意也。若爾，何妨法華亦與諸教，十方一席，互為顯祕，而云法華是顯，非祕密耶？答，十方密有，一席定無。言密有者，何妨餘方未宜開權廢近等說，則彼不知此。若此間法華席中初發心者，及人天被開，豈可盡知十方世界開與不開？然已聞法華本門施化，非適一世，縱不現見，亦可比知開不開相，義當於知。」

△ 嘗分跨節。佛光P5534下：天台宗判釋教相之用語。(1)當分，謂於藏通別圓等四教各有其當分之教行理，亦即就諸經之當意而判其教意，如阿含經為使離生死入涅槃而說，故屬當分。(2)跨節，謂直超前三教而闡述圓意，亦即由法華經之意以定餘經之意。蓋當分之義門，在一代經之當位，故以當分而成法華之相待妙，乃方便之施設；跨節之義門，則藉法華經而見一代經，故以跨節而成法華之絕待妙，乃佛之本意。法華玄義卷一下(會本上冊P146至148；佛陀版上冊P155至157)：「當分者，如三藏佛起種種緣說種種教。——通別圓等教行理，當分亦爾。跨節者，何處別有四教主，各各自身，各各自口，各各自說？——若開方便門，示真實相(法師品第大9P31下)，即向身是圓常之身，向法是圓常之身，向法是圓法，向行向理皆即真實。」(鐵)若開方便下，正明跨節相，此句總開。即向身向法向行等者，指前方便身口行理等也。前當分義中，分四教主，各有所說、所行、理體。跨節義中，不分四教各別詮理。諸經所說，因果各別，今越彼別義，唯論一理。是故二義相須，當分乃成今經相待義邊，跨節乃成今經開權義邊。又若方等、般若及華嚴等當分義者，仍是施權。若來至法華，當分義邊，成判權實。判已即廢，廢已即開，開廢相即，不可異時。)

輔宏記P344八行：“此以法華相待之意，判前四時不出頓等小教。”

△ 輔宏記P371二行：初頓部有一粗(別教)-妙(圓教)。一妙，則與法華無二無別。若是粗，須待法華開會廢了，方始稱妙。六行記：初頓部等文明判，須待法華等文明開。

△ 輔宏記P374五行：次鹿苑但粗無妙(藏教)。次方等三粗(藏通別)-妙(圓教)。次般若二粗(通別)-妙(圓教)。七行註：此約相待，判前部中粗妙也。(此斷文判前三漸可知。)

輔宏記P345四行：“久默斯要，不務速說。——今正是其時，決定說大乘。”

△ 藥草喻品第五大9P19下：久默斯要(句解：此法華經乃是諸佛祕要，成道四十餘年，未嘗演說，故云久默。)不務速說(是前不談，故云不務速說。)。

△ 從地涌出品第十五，大9P41下：「從是已來，始過四十餘年。」

△ 方便品第二，大9P10上：「正直捨方便，但說無上道。」(句解：昔為小機，未免迂曲作方便說，今既純熟，捨前方便，正直而說。但說一乘無上之道。)

△ 方便品第二，大9P8上：「十方佛土中，唯有一乘法，無二亦無三，除佛方便說。」(文句會本中冊P664；佛陀版上冊P659：「無二者，無通教中，半滿相對之二也。無三者，無三藏中之三(乘)。」)

△ 方便品第二，大9P8下：從「若有衆生類，以下二十三偈，別約五乘，以顯真實。」(文句會本中冊P678；佛陀版上冊P672。)

△ 方便品第二，大9P8上：「今正是其時，決定說大乘。」

妙玄會本止觀片及上冊 p61；佛陀片上冊 p67。

妙玄：（前四時中，言說）雖復甚多，亦不出漸、頓、不定、秘密。今法華是顯露，非秘密；是漸頓，非漸漸；是合，非不合；是醍醐，非四味；是定，非不定。

釋籤：初文云今法華是顯露等者，對非秘密，故云顯露。於顯露七中，通奪而言之，並非七也。別與而言之，但非前六。何者？七中雖有圓教，以兼帶故，是故不同。此約部說也。彼七中圓，與法華圓，其體不別，故但簡六，此約教說也。次言是漸頓，非漸漸者，是漸後之頓，謂開漸顯頓，故云漸頓，非法華前漸中之漸。何者？前判生熟二蘇，同名為漸，此二經中，亦有圓頓，今法華圓，與彼二經圓頓不殊，但不同彼方等中三，般若中二，此之二三，名漸中漸。法華異彼，故云非漸漸耳。人不見之，便謂法華為漸頓，華嚴為頓頓，恐未可也。是合等者，是開權之圓，故云是合，不同諸部中圓，故云非不合。合者，祇是會之別名。既知非是法華之前顯露已竟，則了法華俱非七教，此即對於八教簡也。

維摩義記卷三本 大38 p475中

經：何謂無方便慧縛？謂菩薩以愛見心莊嚴佛土成就衆生，於空無相無作法中，而自調伏，是名無方便慧縛。

義記：見有佛土可貪可求，名愛見心莊嚴佛土，見有衆生可悲可起心攝取，名愛見心成就衆生。愛見心起名無方便，於空無相無作法中而自調伏，釋有慧也。是名下結，如此修者，不能以慧隨有除染，使無方便，故慧名縛。

經：何謂有方便慧解？謂不以愛見心莊嚴佛土成就衆生，於空無相無作法中以自調伏，而不疲厭，是名有方便慧解。

義記：謂不以愛見莊嚴佛土成就衆生，釋有方便，見土及生猶如幻化，都無一實，隨化分齊淨土利生，名無愛見莊嚴佛土成就衆生。於空無相無作法中以自調伏而不疲厭，釋有慧也。是名下結，如此修者，能以空慧隨有除染，使有方便，故慧名解。

經：何謂無慧方便縛？謂菩薩住貪欲瞋恚邪見等諸煩惱，而植衆德本，是名無慧方便縛。

義記：謂菩薩住貪欲等釋無慧也，以無空慧，破除染過，故住貪等，貪欲貪毒，瞋恚瞋毒，下邪見等通皆是癡，而殖德本釋有方便，能隨諸有具修諸行名有方便。是名下結，以無空慧除煩惱故，有行被染名方便縛。

經：何謂有慧方便解？謂離諸貪欲瞋恚邪見等諸煩惱，而植衆德本，迴向阿耨多羅三藐三菩提，是名有慧方便解。

義記：謂離貪等釋有慧也。以慧觀空，破除染惑，故離貪等。殖衆德本，迴向菩提，釋有方便，能隨諸有具起所行，名有方便。是名下結，以有空慧除煩惱故，有行不染，名方便解。

維摩詰所說經卷中，文殊師利問疾品第五，大14 P545中：

經又無方便慧縛，有方便慧解；無慧方便縛，有慧方便解。

注維摩詰經卷五，大38 P378下：肇曰：巧積衆德謂之方便，直達法相謂之慧，二行俱備然後為解耳。若無方便而有慧，未免於縛，若無慧而有方便，亦未免於縛。

維摩義記卷三本（慧遠撰），大38 P475中：一、無方便慧縛：隨有生染名無方便，入空自調說之為慧。如此修者，不能以慧隨有除染，所以名縛。二、有方便慧解：隨有不染名有方便，入空自調說之為慧。如此修者，能以空慧隨有除染，所以名解。此前二約就有行明慧縛解。三、無慧方便縛：不能觀空除滅煩惱，名為無慧；隨有修善說為方便。如此修者，以無慧故有行被染，故說為縛。四、有慧方便解：觀空離染名為有慧；隨有修善說為方便。如此修者，以慧除染，有行不染說以為解。此二約就空慧有之與無，明其有行縛之與解。

妙玄會本下冊P445、佛陀跋陀羅下冊P1338。

妙玄：約五味半滿相成者，若直論五味，猶同南師，但得方便；若直半滿，猶同北師，但得其實。釋籤：初文中云，若直用五味，猶同南師無慧方便，雖有方便，無實慧故，故名為縛。若直用半滿，猶同北師，無方便慧，雖有實慧，無方便故，故慧名縛。何者？若以鹿苑為半，後去皆滿，滿中但得約實一途，而失於權，以他明滿，不分權實，故今順舊，但得名實，而失生熟二蘇之益，及生熟中兩教二乘，及兩教中始入菩薩，是故滿中但得於實。

妙玄：今明五味不離半滿，半滿不離五味。五味有半滿，則有慧方便解；半滿有五味，有方便慧解。權實俱遊，如鳥二翼，雖復俱遊，行藏得所。

釋籤：次正明中，意則不爾，互相成益。五味則一道豎進，味味有半滿相成，復於味味皆有秘密及以不定，是則慧得方便，故慧解；方便得慧，則方便解。權實俱遊，於茲明矣！初文中言不相離者，半滿相對，有開有合；今家五味次第，唯用大經，為有所據，然諸教意散在諸經，大經之文，但略結示前諸教耳。

妙玄：若華嚴頓滿，大乘家業，但明一實，不須方便，唯滿不半，於漸成乳。三藏客作，但是方便，唯半不滿，於漸成酪。若方等彈訶，則半滿相對，以滿斥半，於漸成生蘇。若大品領教，帶半論滿，半則通為三乘，滿則獨為菩薩，於漸成熟蘇。若法華付財廢半明滿；若無半字方便，調熟鈍根，則亦無滿字開佛知見，於漸成醍醐。

釋籤：初文中言頓滿等者，華嚴正隔小明大，於彼初分，永無聲聞，故云唯滿。後之四味，或單或帶，可以意知，是故不同舊人所判。

妙玄：如來殷勤稱歎方便者，半有成滿之功，意在此也。

釋籤：如來下，明半滿之功。是則今家相成之意，不同古人者，良有以也。

佛光 1627 中：“四一”

依天台家之解釋，開顯法華經方便品中一乘，就教、行、人、理四者各闡明唯一無二之旨，稱為四一開顯。(1)教，指能詮之經典，因能詮之經典唯說一佛乘，故稱教一。(2)行，指依其教而修之行法，以此行法唯修一乘之妙行，方能證實相之理，故稱行一。(3)人，指為開佛知見而修行法之人，其人唯為菩薩（此以三乘之人同為菩薩），故稱人一。(4)理，指依行而開佛知見之所證，其所證唯為諸法實相之一理，故稱理一。

輔宏記 p362 四行：“舊於開權有同體異體之辨。”

法華文句釋方便品，會本上冊 p421；佛院版上冊 p420。

句：方者，法也；便者，用也。

記：初約能用三教得名，法是所用，用是能用。雖法之與用俱通四教，但有方圓差會之殊，故方便之稱，從權立名，權不即實，故對昔辨成體外權，非今品意。---乃是秘而不說，名為方便。---權實逗會，各致其極，故方法不同。

句：又方便者，門也。門名能通，通於所通。方便權略，皆是弄引，為真實作門。真實得顯，功由方便。從能顯得名，故以門釋方便。如經，開方便門，示真實相。此義可釋他經，非今品意。

記：權屬能通三教，亦得名為方便。然雖不即，以為圓作遠詮故。---如世之門，本為能通，三皆入實，故名為門。

句：又方者，祕也；便者，妙也。妙達於方，即是真祕。

記：於昔成祕，彼祕被開，於今成妙。達即是開，用妙之便，以開祕方，妙外無法，故云即是。

句：如經，唯我知是相，十方佛亦然；止止不須說，我法妙難思。故以祕釋方，以妙釋便，正是今品之意，故言方便品也。料簡者：初番釋者，是體外方便，化物之權，隨他意語。次釋亦是體外方便，自行化他之權，亦是隨自他意語。後釋是同體方便，即是自行權，隨自意語。

記：初文者，三教一向名他，名權，權隔實故。次文者，以三教之他，與圓對辨。第三文者，三俱，體內，無非真實，但名為自，自外無他。三語亦然。

句：初釋方便，非能入，非所入。次釋方便，是能入，非所入。後釋方便，是所入，非能入。故知名同，其義大異。

記：釋初文者，且指三教但是法用，尚非能通，況是所通？是故三教，非能非所。釋次意者，門是三教，得是能通，不云三教即是圓故，故非所通。釋第三文者，亦開前二，非能非所，所以能通，並開成所，所中善巧，名為方便。故妙方便，異於方法及能通門。---初釋方便，是祕而非妙；次釋方便，祕堪入妙；後釋方便，祕即是妙，此乃從佛內解以說。

華嚴經疏卷三十二，大35P744上及中；隨疏演義鈔卷五十四，大36P429中。

疏：此下請分中分三：初說已默住。二三家五請，三許說分齊。所以默者，將欲演之，必固默之，欲令大眾渴仰請說故，增諸菩薩尊敬法故。第二請中三家，初解脫月請，二大眾請，三如來請。所以要三家者，顯法深妙令聞，解故衆有顯揚，當機渴仰，化主加勸，事方周故。又佛請者，即名為加，謂衆雖已請，要假主佛威光，方堪說故。又前三家請，顯此地法因人修故，後一家請，顯此地法佛所證故。前之二請，餘經容有，後之一請，餘經所無，法華三請，但是一家，良以地法甚深，寄位難說故。

鈔：疏前之二請下，此言因於天台而生，謂彼法華經疏歎身三請竟云，餘經無此殷勤之請，唯華嚴解脫月請金剛藏可為連類，而彼因人請於因法，此請佛慧，故亦不同。今此翻明法華事，此略言但是一家，細分乃有多異（且列四門）：彼是一家，此有三家，一不同也；彼之一家，但是聲聞，此有三家，是佛菩薩，二不同也；彼唯三請，此有五請，三不同也；彼唯因人請，此有佛請，四不同也。但彼云法華請果，華嚴請因者，然此請因乃是佛因，說分等中因果兼說，是故經云此是菩薩向菩提最上道，亦是清淨法光明門。（中略）法華雖然請說佛智，及下廣說但示因門，故說衆生皆有知見。諸佛智慧，即此證道，其智慧門，即此教道，教證二門該因徹果，非此獨因。各隨所弘，自揚聖教耳。

探玄記（佛陀院版上冊 P876）卷九，大35P288下。

記：光明剛藏說已默住，菩薩及佛正興五請。隨人分三，一解脫月請，二大眾請，三佛加請。初中三請，即為三對：第一對中，初說已默住，後解脫月騰衆疑請，謂仁者堪說，大眾堪聞，何故不說？此名怪默請。第二對中，初剛藏顯已默意，謂法難說，證信難得，故我不說。後解脫月歎衆重請，謂既云證信難得，今此菩薩縱有證有信，仁者宜說。此名歎機請。第三對中，初剛藏舉損以違，謂此衆雖淨，餘樂小者聞生疑惑，故我不說。後解脫月歎法重請，謂諸佛護念，令人易信，勿慮餘疑。此名難法請。其解脫月請義有餘，金剛藏違請理盡，但為重法，默待餘請，不即為說。

妙玄會本下冊 p367；佛陀中下冊 p1255。

妙玄：將說此教，疑請重疊，具如述本二文。受請說時，祇是說於教意，教意是佛意，佛意即是佛智，佛智至深，是故三止四請。如此艱難，比於餘經，餘經則易。（中略）

唯華嚴中，請金剛藏，可為連類。而人師偏著，謂加於法華，言小乘致請，不及菩薩，此見一邊耳。

釋籤：初連類者，如華嚴中，至說十地時，有三十六菩薩，皆以藏為名，金剛藏為首，解脫月居末。是金剛藏入大智慧光明三昧，從三昧起，告諸菩薩言，廣大如法界等，次列十地名竟，云三世十方諸佛，無有不說此十地者。作是說已，默然而住。一切菩薩渴仰欲聞，解脫月知眾心念，說偈請金剛藏。金剛藏復說偈止云，衆生少信，故我默然。解脫月復請云，大眾直心清淨，善修助道，種諸善根。金剛藏復止云，衆雖清淨，不久行者，智慧未明了。解脫月復請云，諸佛皆護念，願說十地義。諸菩薩同聲偈請諸佛放光，光中偈讚竟，金剛藏復稱歎十地義深妙難思。謙退已，次方乃云，承佛力說。次方廣說十地功德等。此乃三請兩止，猶闕法華一請一止，故云連類。況法華所請，獨顯本迹，一實長遠耶！又連類者，但云止請，不云所說之法，法非連類，不可為傳。而人師偏著，謂加於法華者，自古弘經論師不曉佛意，唯見華嚴事廣文長，菩薩致請，而謂華嚴加勝法華。近代以來，讀山門教者，仍有此說，誤哉，誤哉！況以人師，但以請主勝劣相形，不云法門觀智勝此。而近代匠者，更以教本謂勝法華，豈非誤耶？

妙玄：弟子騰衆心云，佛口所生子，含掌瞻仰待。求佛諸菩薩，大數有八萬。欲聞具足道。何獨是一小乘？又彌勒闡衆，求決文殊，與解脫月、金剛藏，若為有異？又本門中，菩薩請佛說於佛法，豈比菩薩請菩薩說菩薩法耶？若就此意，有加於彼。若彼列衆，十方雲集，皆是盧舍那佛宿世知識，此經雲集，地涌菩薩皆從釋尊發心，是我所化。此一往則齊，而不無疎密。又彼明十方佛說華嚴被加者，同名法慧（十住品初，大10p84上），金剛藏（十地品初，大10p179上）等，不言彼佛是舍那分身；今明三變土田（寶塔品十一），一方各四百萬億那由他土，滿中諸佛，悉是釋尊分身。此意異彼。（中略）但此法華，開權頭本，前後二文，疑多請倍，不比餘經，祇為深論佛教，妙說聖心，近會圓因，遠申本果，所以疑請不已。

釋籤：此經開權頭實，開迹頭本，如斯兩意，永異餘經。故述門三止四請，本門四請三誠。

（註：釋籤云，近代以來，讀山門教者，仍有此說，誤哉等，據法華經三大部補注卷三，正續44冊 p29下，謂是清涼觀音師，初學天台，後宗華嚴，故作此說。）

妙玄會本上冊 P.38, 佛院版上冊 P.43.

玄：但空是化他之實。但不但是自行化他之實。出二邊中，是自行之權。並他經所說，非今體也。

籤：但空於化他中是實於自行中是權；三藏，唯有一但真故。但不但等者，若自他相對，但是他實，不但是自實，通教真中有二實故。是故二教並非經體。出二邊中等者，說中道故，名為自行；云出二邊，故名為權。此是判權實意也。

玄：今經體者，體化他之權實，即是自行之權實，如垢衣內身，實是長者。體自行化他之權實，即是自行之權實，如衣內繫珠，即無價寶也。自行之權，即自行之實，如一切世間治生產業，皆與實相不相違背，一色一看，無非中道。況自行之實而非實耶！

籤：今經體者，此之體字，正指經體。體化他下兩體字，謂體達之體。由開故達，故云體也。初文即是開丈六垢衣，垢衣正是示為小乘化他權實，今開即是同體權實，纓珞長者。體自行化他等者，但不但空，名自行化他權實，今皆開之，示以衣珠，唯一不但，無更求於小乘衣食，故云無價，珠在衣內如不但，猶求小果如但空，同在一集，義當於共。自行之權，猶存教道，亦違實相，今亦開之，無非實相。此等三教皆開，及以世間資生產業，尚皆是實，況圓中自行而非實耶！

文句會本上冊 P.448, 佛院版上冊 P.447.

句：今就濟權有實，更開十法：謂①事理，②理教，③教行，④縛脫，⑤因果，⑥体用，⑦漸頓，⑧開合，⑨通別，⑩悉檀。十法生起者，從無住本立，一切法無住者，理也；一切法者，事也。理事故有教，由教故有行，由行故有縛脫，由脫故成因果，由果故體頭能用，故有漸頓之化，由開漸頓，故有於開合，開合故有通別之益，分別兩益，故有四悉檀。解釋十法者，①理是真如，真如本淨，有佛無佛，常不變易，故名理為實。事是心意識等，起淨不淨業，改動不定，故名事為權。②理教者，總前理事，皆名為理，例如真俗，俱稱為諦。諸佛體之而得成聖，聖者，正實也。欲以己法下被眾生，因理而設教，教即權也。③教行者，依教求理，則生正行，行有進趣深淺之殊，故行名權也。詮理元教無二，即無進趣深淺之異，故教名實也。④縛脫者，為行違理則縛，縛是虛妄，故称權。為行順理則生解，解冥於理，故稱實。⑤因果者，因有進趣暫用，故名權。果有始終永證，故為實。⑥体用者，前方便為因，正觀入住為果。住出為體用，體即實相，無有分別，用即立一切法，差降不同，如大地一生種種芽。⑦漸頓者，修因證果，從體起用，俱有漸頓，今明起用，用漸為權，用頓為實。⑧開合者，從頓開漸，漸自不合（藏通兩教，不廢小故），亦不合頓（三教菩薩，不入實故），故名為權。漸令究竟，還合於頓，故名為實。⑨通別益者，通則半字無常之益，別即滿字常住之益。⑩四悉檀者，三世間，是故為權。第一義是出世，是故為實。若三藏中，自證十法，名自行權實，說已十法利益眾生，名化他權實。化他之十，皆合為權，自行之十，皆合為實，名為自他權實。餘三教十法，末為三種權實，亦如是。

(一) 文句會本止觀中冊 P611；佛陀版上冊 P607。

經：諸佛世尊欲令衆生開佛知見使得清淨故出現於世，欲令衆生佛之知見故出現於世，欲令衆生悟佛知見故出現於世；欲令衆生入佛知見道故出現於世。（句：釋理一。唯一切種智佛眼，能知見實相。）舍利弗是為諸佛以一大事因緣故出現於世。

經：佛告舍利弗，諸佛如來但教化菩薩。（句：是明人一。）

經：諸有所作，常為一事，唯以佛之知見，示悟衆生。（句：諸三乘衆行名之為諸，為圓即是一事。此行唯趣佛之知見，即是行一意也。）

經：舍利弗，如來但以一佛乘故為衆生說法，無有餘乘，若二若三。（句：但以一佛乘者，純說佛法之圓教乘也。無餘乘者，無別教帶方便有餘之說。無二者，無般若中之帶二。無三者，無方等中所對之三也。如此二三皆無，況三藏中三耶？）

(二) 文句會本止觀中冊 P662；佛陀版上冊 P657。

經：我設是方便令得入佛慧，未曾說汝等當得成佛道，所以未曾說，說時未至故。今正是其時，決定說大乘。我此九部法，隨順衆生說，入大乘為本，以故說是經。（句：頌理一。令得入佛慧，頌上一大事因緣也。決定說大乘，總頌開示悟佛知見也。入大乘為本，頌上入佛知見也。）

經：有佛子心淨柔軟亦利根，無量諸佛所而行深妙道。為此諸佛子說是大乘經，我記如是人，來世成佛道。以深心念佛修持淨戒故，此等聞得佛大喜充徧身。佛知彼心行，故為說大乘聲聞若菩薩，聞我所說法，乃至於一偈，皆成佛無疑。（句：頌上請佛如來但教化菩薩，以明人一。上直云教化菩薩，頌中廣出諸方便人，皆成實人。有佛子心淨，即別教之人，為此佛子說大乘經得記心喜，即成圓教真實之人。聲聞若菩薩者，聲聞兼得緣覺；若菩薩兼得六度、通教等諸菩薩，皆成佛無疑者，即是七種方便，無非佛子，即是頌人一也。）

經：十方佛土中，唯有一乘法，無二亦無三，除佛方便說。但以後名字，引導於衆生，說佛智慧故。（句：頌上如來但以一佛乘為衆生說法，無有餘乘，若二若三。若十方佛唯說一法，即是教一。假名引導，即方便教也。牒假名三教，顯佛慧一教，其文分明。無有餘乘者，無別教中圓入別之餘也。無二者，無通教中半滿相對之二也。無三者，無三藏中之三。如此等二三，皆是假名字，引導諸衆生，今但一佛圓教乘也。）

經：諸佛出於世，唯此一事實，餘二則非真，終不以小乘濟度於衆生。佛自住大乘，如其所得法定慧力莊嚴，以此度衆生，自證無上道，大乘平等法。若以小乘化，乃至於一人，我則墮慳貪，此事為不可。

（句：從諸佛出於世，唯此一事實下，頌上諸有所作，常為一事，行一文也。事即是行，終不以小乘濟度於衆生，即是頌上常為一大事之意也。佛自住大乘，以此度衆生，頌上唯以佛之知見，示悟衆生。後一行釋不以小度之意。）

(三)文句會本止觀版中冊 P677；佛陀版上冊 P670。

經：是諸世尊等，皆說一乘法，化無量衆生，令入於佛道。（句：皆說一乘法，即是頌教一；化無量衆生，頌人一；令入於佛道，即頌理一，兼得行一。）

(四)文句會本止觀版中冊 P695；佛陀版上冊 P690。

經：度脫諸衆生，入佛無漏智，若有聞法者，無一不成佛。（句：頌人一。）

經：諸佛本誓願，我所行佛道，普欲令衆生，亦同得此道。（句：頌行一。佛所行道，誓令得此道，豈非行一？）

經：未來世諸佛，雖說百千億，無數諸法門，其實為一乘。諸佛兩足尊，知法常無性，佛種從緣起，是故說一乘。（句：頌教一。知法常無性者，實相當住無自性。記：一實理上，性相二空，無性性空，即無四性。既云實相無自性等，故知即是理性性空，無性亦無，即是相空。本自有之，故曰常無性。句：佛種從緣起者，中道無性，即是佛種。迷此理者，由無明為緣，則有衆生起。解此理者，由教行為緣，則有正覺起。欲起佛種，須一乘教，此即頌教一也。）

經：是法住法位，世間相當住，於道場知已，導師方便說。（句：頌理一也。衆生正覺，一如無二，悉不出如，皆如法為位也。世間相當住者，出世正覺，以如為位，亦以如為相。位相當住；世間衆生亦以如為位，亦以如為相，豈不常住？世間相既常住，豈非理一？於道場知已，此舉果釋成，開權顯實，道場朗然，斯理久暢，物情障重，方便施三云云。）

(五)文句會本止觀版中冊 P739；佛陀版上冊 P734。

經：舍利弗當知，我見佛子等，志求佛道者，無量千萬億。咸以恭敬心，皆來至佛所，曾從諸佛聞，方便所說法。（句：頌人一。三乘行人，皆是佛子。）

經：我即作是念，如來所以出，為說佛慧故，今正是其時。（句：頌理一。為說佛慧，即是上一切種智，佛知見也。記：以能顯所，所即理也。）

經：舍利弗當知，鈍根小智人，着相慢者，不能信是法。今我喜無畏，於諸菩薩中，正直捨方便，但說無上道。（句：頌教一。但說無上道，即教一也。）

經：菩薩聞是法，疑網皆已除，千二百羅漢，悉亦當作佛。（句：頌行一。悉亦當作佛，故是行一也。）

輔宏記P412一行：“此釋開示悟入，謂法華論明證不退地，今作四位釋，——論明同義，今作觀心釋。”文句會本中冊P611，佛院版上冊P607。101.8.4.

Page 2 - 11
Date

經、諸佛世尊欲令衆生開佛知見，使得清淨故出現於世；欲示衆生佛之知見故，出現於世；欲令衆生悟佛知見故，出現於世；欲令衆生入佛知見道故，出現於世。

句、(會本上冊P602，佛院版上冊P599)法華論(卷下，大26P7上)云，一無上義(唯除如來)一切智更無餘事，如經開佛知見，為令衆生得清淨故，出現於世。二、同義，聲聞、辟支佛、佛法身平等故，如經欲示衆生佛知見故，出現於世，佛性法身更無差別故。三、不知義，謂二乘人不知究竟唯一傳乘故，如經欲悟佛知見出現於世。四、為令證不退轉地，(元)現(欲)與無量智慧故，如經欲令衆生入佛知見故。

(會本上冊P605，佛院版上冊P602)論(四)明不退轉地，今作四位釋。論(-)知如來能證實，今作四智釋。論(=)明同義，今作觀心釋。論(三)明不知究竟處，今作四門釋云云。

記、(會本上冊P605，佛院版上冊P603)初以證不退為四位釋者，即論第四句。既云不退，即開示悟入，皆念不退。(三不退，見文句會本上冊P231，佛院版上冊P229二行。或妙玄會本中冊P86，佛院版上冊P525末行。)次明佛所證得為四智釋，即第一句。次以同義，即第二句。若無觀心，云何知同？次以不知究竟處者，即第三句，處是所通，二乘不知，今為令知，知即是門，門為能通，故作四門釋也。二乘既然菩薩，凡夫，例皆如此，皆須圓教教門以為能通，入觀修智，方能到位，知見佛境。

輔宏記P413三行：“一道慧，---二道種慧，---三一切智，---四一切種智。”

大論卷二十七，大25P257下：

經、菩薩摩訶薩欲得道慧當習行般若波羅蜜。菩薩摩訶薩欲以道慧具足道種智當習行般若波羅蜜。

論、道名一道，一向趣涅槃於善法中一心不放逸，道隨身念。道復有二道，惡道、善道；世間道、出世間道；有漏道、無漏道；無礙道、解脫道；---如是無量二道門。復有三道，三惡道、三善道、三種涅槃道；聲聞道、辟支佛道、佛道。戒是慧三道，如是等無量三道門。復有四種道，如聲聞道、辟支佛道、菩薩道、佛道等。復有五種道，如四諦所斷道及思惟所斷道等。復有六種、七種、八種、九種、十種，乃至一百六十二道(新修惑有八十一無間道、八十一解脫道)，如是等無量道門。如是諸道盡知遍知，是為道種慧。
(羅蜜)

經、(大25P258下)欲以道種慧具足一切智，當習行般若波羅蜜。欲以一切智具足一切種智，當習行般若波

論、問曰：一切智、一切種智，有何差別？答：有人言：總相是一切智，別相是一切種智。因聲聞是一切智，果(佛)是一切種智。略說一切智，廣說一切種智。一切智者，總破一切法中無明闇，一切種智者，觀種種法門破諸無明。復次一切法名眼色乃至意法，是諸阿羅漢、辟支佛，亦能總相知無常苦空無我等，知是十二入故，名為一切智。佛盡知諸法總相別相故，名為一切種智。復次後品中(大8P375中三慧品)佛自說一切智是聲聞辟支佛事，道種智是諸菩薩事，一切種智是佛事。

文句會本中冊P620，佛院版上冊P615。

句、約四智者，今欲以圓教四智，對於四位，不如般若中通教釋也。

記、言不如者不同也，簡異於偏(教)，彼般若中通(藏通別)三教故，故名為通。今不依之，唯一圓道，故云不如。

四教義卷三，大46 P730上：

今明佛法四門皆得入一理，但有二種不同。一者三藏通教兩種四門，同入偏真之理；二者別圓兩教四門，同入圓真之理。一明三藏四門通教四門，同入偏真之理者，各因四門同入偏真第一義，得二種涅槃是同也。理雖是一而門有異者，既有巧拙兩度之殊，故有兩種四門能通之別也。真理無二，故所通至理是一也。譬如州城開四門，使君（州郡長官）只是一也。三藏教四門，如從州城四邊偏門而入，通教四門，如從四正門而入，偏正雖殊，入見偏真第一義諦，得二種涅槃是一也。二明別教四門圓教四門，同入中道實相真性理者，各因四門而入見實相佛性，得常涅槃是一也。理雖是同而門有異，教門既有偏圓之殊，故有兩種四門能通之異也。佛性真理不二，故所通之真性理是一也。譬如臺城（禁域，或稱宮城）有四門，門雖不同，所見天子是一也。別教四門，如從臺城四邊偏門而入，圓教四門，如從四正門而入，偏正雖殊，入見真性解脫實相之理是一也。

止觀會本中冊P1262；佛陀版中冊P642。參閱佛光P1724中：圓教之四門。

止觀 圓教四門妙理頓說，異前（藏通）二種；圓融無礙，異於（別教）歷別。云何四門？（1）有門：觀見思惑之假，即是法界，具足佛法。又諸法即是法性因緣，乃至第一義亦是因緣。故知此為三諦相即之假。
（2）空門：觀幻化見思及一切法，不在因，不屬緣，我及涅槃是二皆空，唯有空病，空病亦空。此即三諦皆空也。

輔行：即指見思為不思議因緣生法。生法即假，假是有門，以無空中而不假故，故云乃至第一義亦是。

止觀：（2）空門：觀幻化見思及一切法，不在因，不屬緣，我及涅槃是二皆空，唯有空病，空病亦空。此即三諦皆空也。

輔行：云三諦者，亦是三諦皆空，故也。亦是假中皆空故也。言我及涅槃是二皆空者，我即是俗，涅槃即真，二諦俱空，唯有中空，中空亦空，故云空病亦空。此即三諦俱空故也。

止觀：（3）亦空亦有門：幻化見思，雖無真實，分別假名，則不可盡。

輔行：一中一切中約雙照說，名第三門。無有真實，亦空也；分別不盡，亦有也。既約中道雙照二諦，一切無非亦空亦有。（佛光：此為空假雙亦（肯定）之中道。）

止觀：（4）非三有非無門：觀幻化見思即是法性，法性不可思議；非世，故非有；非出世，故非無。一色一香無非中道；一中一切中。毘盧遮那徧一切處，豈有見思而非實法？是名非有非無門。

輔行：亦是一中一切中，約雙非說，名第四門。（佛光：此為空假雙非（否定）之中道。）

輔宏記P414六行：“是為一心三觀，分開示悟入之殊也。”止觀會本中冊P970；佛陀版中冊P334。

止觀：〔三觀〕若一法一切法，即是因緣所生法，是為假名，假觀也。若一切法即一法，我說即是空，空觀也。若非一非一切者，即是中道觀。〔一心三觀〕：一空一切空，無假中而不空，總空觀也。一假一切假，無空中而不假，總假觀也。一中一切中，無空假而不中，總中觀也。即中論所說不可思議一心三觀。

維摩經略疏卷三，大38P589中；參閱垂裕記卷三，大38P747下～P748上。

初、橫約同居：

- 隨所化衆生而取佛土，以所化眷屬多少而取土有異。如用百億以為同居，或用恒沙大千以為同居。又菩薩所化衆生修善多少異，故國土莊嚴優劣亦異。優者如彌陀，劣者如釋迦。
- 隨所調伏衆生而取佛土。明諸菩薩為衆生取土淨穢不同者，皆為調伏得宜，非關菩薩福慧優劣。如親育子愛策雖殊，皆為成就。取土亦爾。自有逼迫妨道，則淨國安之，或矯奢妨道，則穢土。調伏，非為以穢令生苦惱，亦非以淨縱樂不修，何者？菩薩不為衆生作煩惱因緣，宣作淨穢令其流轉！
- 隨衆生應以何國入佛智慧而取佛土。法華云：諸佛為一大事因緣故出現於世，為令衆生開佛知見，故今明菩薩調伏衆生赴淨穢土，皆為令得入佛智慧。應以淨國入者，或穢國入者，根性異故取土不同，故云衆生之類是菩薩佛土。
- 隨諸衆生應以何國起菩薩根而取佛土。衆生入道由根授法而入佛慧，菩薩觀衆生眼等六根何根偏利，若耳根偏利即聲為佛事，一切法趣聲，聲詮三諦及宣說四教，用起耳根為菩薩根，數置一國，菩薩後成佛時聲為佛事。眼等餘根例此可知。正由六根偏利，故使佛事不同，皆為起衆生根類故也。如婆娑以音聲為佛事，乃至香積香為佛事，皆由衆生根類異故，同居之土佛事不同。故云衆生之類是菩薩佛土。

二、豎對四土：

- 隨所化對同居土：界內具縛，未見真理，心神動散，善惡無定。菩薩方便觀其生熟，生則用穢，熟則用淨，生熟無量，淨穢亦爾。（記：大38.P748上。具縛者，三惑全在。淨穢亦爾者，國土品類亦無量也。）
- 隨所調伏對有餘土：諸阿羅漢能調難調（記：大38.P748上。見鬼煩惱，凡夫所不能調，故曰難調。）是名調伏。當知二乘及後三教菩薩，界內惑盡，皆名調伏，即出三界，即應生有餘土。菩薩為此衆生取有餘土。
- 入佛慧對果報土：初住已上見中道理，破無明一品，乃至三十九品，皆生果報，當知菩薩為此入佛智慧。問：何以十地不居寂光？答：因果與奪無生寂滅，一切種智。（記：大38.P748上。與則寂光通因，通於中下，以上下位俱得無生寂忍種智；與則寂光別在極地，則寂忍不通下因。）
- 起菩薩根對寂光土：前入佛慧，總相見中，今明起根是別相見中之類，如聲聞總相慧為劣，緣覺別相慧為勝。（記：大38.P748上。總相謂四諦總明因果，別相謂十二因緣別明三世因果。按因緣有三世、二世、一念，見輔宏記P963。）即是於一根塵了達三諦，一切諸法寂而常照，無不通達。餘根塵亦爾。是則以常寂光起菩薩根。（記：大38.P748上。總別見中者，以根對境得總別名，根六慧一，隨宜不等。）

輔宏記P426八行：“如多寶佛，但施權教，不須顯實，故不說法華而即涅槃。”

Page 2 - 14
Date 101. 8. 25.

文句會本下冊P1319；佛陀版下冊P428。

句：「釋論明多寶佛，不得說法而取滅度。師解不爾，彼佛告諸比丘，比丘即是受化之人，何謂不說？當是多寶不得開三，不得顯實，故釋論云不得說法耳。以是義故，雖復滅度，在在處處，有說法華經，便隨喜作證也。」（智旭大師之法華會義云，何謂下，當加一全字。）

法華會義卷四之二，台中蓮社版P975；新文豐版卷十，P245上：「釋論明多寶佛不得說法而取滅度，南嶽師云，彼佛告諸比丘，比丘即受化之人，何謂全不說法？當是但得施三，不得顯一，故云不得說法耳。」（註：釋論等，見大論卷七，大25 P109中，見下所引文）

輔宏記P426九行：“當來彌勒，只有龍華三會，尚不說小。”

彌勒下生經，大14 P422上：「爾時彌勒漸與說法微妙之論，所謂論者，施論戒論生天之論，如諸佛世尊常所說法，苦習盡道。爾時座上八萬四千人，諸塵垢盡，得法眼淨。是時（長者）善財與八萬四千人等，即前白佛，求索出家，善修梵行，盡成阿羅漢道。---是時（父）修梵摩大長者，聞彌勒已成佛道，將八萬四千梵志（婆羅門）之衆，往至佛所，求作沙門，得阿羅漢，唯修梵摩一人，斷三結使（身戒疑），輔宏記P805，頌曰：『得攝邊見戒攝取，邪見元從疑惑生，四鈍皆由利使生，是故三結攝見盡。』必盡苦際。」大14 P422中：「爾時彌勒當說三乘之教，如我今日。」過去久遠，釋迦文佛弟子名曰迦葉，今日現在，頭陀苦行，最為第一。是時諸人見是事已，歎未曾有，無數百千衆生，諸塵垢盡，得法眼淨。或復有衆生見迦葉身已，此名為最初之會，九十六億人皆得阿羅漢。

---彌勒佛第二會時，有九十四億人，得阿羅漢。又彌勒第三之會，九十二億人得阿羅漢。」

彌勒大成佛經，大14 P432中：「時大導師---為說色受想行識，苦空無常無我。說是語時，九十六億人不受諸法，漏盡意解，得阿羅漢，三明六通具八解脫（見輔宏記P1212）。三十六萬天子、二十萬天女發阿耨多羅三藐三菩提心。天龍八部中，有得須陀洹者，種辟支佛道因緣者，發無上道心者，---爾時世尊重說四諦十二因緣，九十四億人得阿羅漢，他方諸天及八部衆六十四億恒河沙人，發阿耨多羅三藐三菩提心，住不退轉。第三大會，九十二億人得阿羅漢，三十四億天龍八部發三菩提心。」

輔宏記P426十行：“大論明須扇多佛，弟子未熟，便入涅槃，更留化佛住世半劫，說法度生。”

大論卷七，大25 P109中：「復次有諸佛無人請者，便入涅槃，而不說法，如法華經中多寶世尊，無人請故，便入涅槃，後化佛身及七寶塔，證說法華經故，一時出現。亦如須扇多佛，弟子本行未熟，便捨入涅槃，留化佛一劫以度衆生。」

大經南本卷二，大12，P61b中。大經疏卷六，大38，P69中。

經：我今當令一切衆生及我諸子四部之衆悉皆安住秘密藏中，我亦復當安住是中入於涅槃。何等名為秘密之藏？猶如伊字三點，若並則不成伊，縱亦不成；如摩醯首羅面上三目，乃得成伊。三點若別，亦不得成。我亦如是，解脫之法，亦非涅槃；如來之身，亦非涅槃；摩訶般若，亦非涅槃；三法各異，亦非涅槃。我今安住如是三法，為衆生故，名入涅槃如世伊字。

疏：初三點中言，云何如世伊字？外國有舊新兩伊，舊伊橫豎斷絕相離，借此況彼，橫如列火，豎如點水，各不相續，不橫不同列火，不豎不同點水，應如此土草下字相連，細畫相連，是新伊相。舊伊可譬昔教三德，法身本有，般若修成，八無餘已，方是解脫，無復身智；如豎點水，縱而相離。又約集約智，分得有餘解脫，橫一時有，三法各異，如橫列火，各不相關。新伊字者，譬今教三德，法身即照，亦即自在，名一為三。三無別體，故是不橫，非前非後，故是非縱。一即三如大點，三即一如細畫，而三而一，而一而三，不可一三說，不可一三思，故名不可思議。不可思議者，即非三非一，名秘密藏。次約三目釋者，摩醯首羅，居色界頂，統領大千，一面三目，三目一面，不可單言一三縱橫，若並別。三德亦爾，縱橫並別，祕藏不成，不縱不橫，祕藏則成。若偏縱橫並別，一異，皆非祕藏，文云：法身亦非，般若亦非，解脫亦非，不縱不橫，不並不別，三一相即，一中無量，無量中一，非一非無量者，是名祕藏。然佛常安住三法，而言我今者，蓋隨緣宜，故云，為衆生故，名入涅槃。

妙玄會本中冊 P293，佛陀版上冊 P741。

籤：雖一點在上，不同點水之縱；三德亦爾，雖法身本有，不同別教為惑所覆。雖二點居下，不同列火之橫；三德亦爾，雖三德修成，不同別理體具足而不相收。

妙宗鈔卷二，大37 P203下。釋籤云：別教法身為惑覆者，良由不知本覺之性具染惡德，是故染惡非三德也。故別惑通惑業識事識，煩惱結業三乘六道，變易分段，此等一切迷中二法，非三佛性，既非佛性，乃成定有能覆之惑。是故但有法身本覺，隨於染緣，作上一切迷中之法，以是名曰為惑所覆。應知覆義不同泥土覆被頑石，既覆但中佛性之理，如淳善人，一切惡事非本所能為，惡人道，令作衆惡，故說善人為惡所覆，應須還用隨染覺性，別緣真諦及以俗中，次第別修空假緣，或中邊緣，種種二因，或初緣次了，或初了次緣，次第翻破一切迷法，顯於法身本覺之性，是故覆理成於縱義。圓人不爾，以知本覺具染惡性，體染惡修，即三佛性，故通別惑事業識等一切迷法，當處即是緣了佛性，豈有佛性更覆佛性？如君子不器，善惡俱能，或同惡人作諸惡事，則彰己能，何覆之有？故即三迷以為緣了，顯發於正，緣了三德，體迷而得，義當所發，元是修德，復當能顯。雖分修性，皆本具故，義不成縱。釋籤言：別理體具足而不相收者，亦為不知本覺之性具染惡德，不能全性起染惡修，乃成理體橫具三法。言不相收者，以其三法定俱在性，皆是所發，猶如三人各稱帝王，何能相攝？是故不知性中三法，三是修者，三乃成橫。圓人不然，元知本覺具染惡性，故使迷中一切染惡，當處即是緣了佛性，以此三修，顯於一性，如一主三臣，主攝於臣，臣歸於主，三德相收，亦復如是。

輔宏記P438十行：“如經中佛為迦葉菩薩明金剛密迹，以金剛杵，擬盜聽說戒之沙彌，謂是化人，為欲驅遣破戒毀法者，令出衆故。”

Page 2-16
Date 101.9.1.

大經卷三，大12P620中

世尊如來不應說言菩薩於諸衆生修平等心，同於子想，所以者何？於佛法中有破戒者作逆罪者，毀正法者，云何當於如是等人同子想耶？佛告迦葉，如是如是，我於衆生實作子想，如羅睺羅。迦葉菩薩復白佛言，世尊昔十五日僧布薩時，曾於具戒清淨衆中，有一童子，不善修習身口意業，在隱屏處盜聽說戒，密迹力士承佛神力，以金剛杵碎之如塵。世尊是金剛神極成暴惡，乃能斷是童子命根，云何如來視諸衆生同於子想如羅睺羅？佛告迦葉，汝今不應作如是言，是童子者即是化人，非真實也，為欲驅遣破戒毀法，令出衆故，金剛密迹不是化耳。

輔宏記P439二行：“又如來於毀法者，作驅遣羯磨——未捨惡見羯磨等，如是降伏為末諸行惡之人有果報故。”

大經疏卷七，大38.P79下

一、初言驅遣羯磨，即是律中驅出羯磨。馬師滿宿比丘，於聚落汚他家行惡行，佛令與驅出羯磨出此聚落。

二、訶責者，即律中苦切羯磨。般茶盧伽比丘喜門事，門構兩頭，與人門競，佛令作苦切羯磨。

三、置者，即依止羯磨是。施越比丘為人輕薄，數犯可悔罪，數惱僧，佛令與作依止羯磨，令依剛正有德之人，住持教示，不令數犯。

四、舉罪者，即律中下意羯磨。齋多羅比丘為質多居士菴羅寺主，恒得好食。居士後時遇優波斯那於舍供養，不與寺主相知。齋多羅生瞋，語居士言，飲食雖美，但無胡麻歡喜丸耳！此居士少年貧時曾為此業，故以刺之。居士因即說譬，如鷄與鳥，共生一子，或作鷄鳴，或作鳥聲，汝或善語，或作惡語。而此比丘父母異國，故以讖之。佛知令與作下意羯磨，僧中遣一人，將是比丘往居士所下意懺悔。

五、不可見即是不見贊。車匿比丘數數犯罪，諸比丘勸懺悔，答言，我不見罪。佛令與不見贊。
(行事鈔卷上二，大40P20下：為欲折伏從道，且棄衆外不同僧事，目之為舉；作此正法治，不見罪人，故曰不見舉也。)

六、滅即不懺。還是車匿數犯，人勸，答云，我雖見罪，不能懺悔。佛令作不懺贊，滅即滅贊。
(行事鈔卷上二，大40P21上：不得共住，不得共事。)

七、未捨惡見即惡邪不除贊。事起利吒言欲不障道，三諫不從，與作惡邪不除贊。
(行事鈔卷上二，大40P20下：惡見不捨舉者，欲實障道，說言不障，邪心決徹，名之為見；見心違理，目之為惡。須僧舉棄，永不任用。隨順無違，方乃解之。)

大經南本卷二，哀歎品第三，大12P67上。大經疏卷六，大38P70下。

經、汝等比丘云何而言有我想者惱慢貢高流轉生死。

疏、比丘謂常是倒無常不倒，佛迴無常是倒常是不倒。如日月不轉，醉見迴轉。日月宣轉，醉者過耳。常樂我淨，實非無常。橫計無常是倒者過。

經、汝等若言我亦修習無常苦無我等想，是三種修無有實義，我今當說勝三修法。

疏、從汝等若言去，破善修非善修。文為四：初雙標二修，次雙明八倒，三、雙回過還之，四專舉勝修。初中云「汝等若言」者，是標其善修無有實義，斥善非善，如醉偽言，而無真實。次標勝修。

經、苦者計樂，樂者計苦，是顛倒法；無常計常，常計無常，是顛倒法；無我計我，我計無我，是顛倒法；不淨計淨，淨計不淨，是顛倒法。有如是等四顛倒法，是人不知正修諸法。

疏、是雙明八倒。汝行八倒，云何自樹稱為善修？

經、汝諸比丘於苦法中而生樂想，於無常中而生常想，於無我中而生我想，於不淨中而生淨想。世間亦有常樂我淨，出世亦有常樂我淨。

疏、是雙回八倒而反歸之文。為二：初回常樂四倒歸之，後回無常四倒歸之。就初又二：初正回倒，次三番料簡，謂世出世，有不有，倒不倒等。初世出世者，夫至理如空，非世出世，惑之者成倒，名為世間；解之者成德，名出世間。無明覆汝，唯倒非德。彼若教云，若是倒者，云何名為常樂我淨？

經、世間法者，有字無義，出世間者，有字有義。

疏、次世間法下，有不有。故於世間，料簡字義，但有其名，是故非德，而無其義。

經、何以故？世間之法有四顛倒，故不知義。所以者何？有想顛倒、心倒、見倒。以三倒故，世間之人，樂中見苦，常見無常，我見無我，淨見不淨。是名顛倒。以顛倒故，世間知字而不知義。

疏、何以故下，有倒無倒。（大般涅槃經集解卷七，大37P405上，向舉苦空四倒與常樂四倒作本，今復舉三，釋前四倒所由耳。想倒者，想以取假為義，謬執不得法實憶想推求，由此起倒也。第六意識能緣於理，先由心緣，而後起倒也。見倒者，見能審法，由審成倒。藉此則生於四，而對則八也。）

經、何等為義？無我者，即生死；我者，即如來；無常者，聲聞緣覺；常者，如來法身；苦者，一切外道；樂者，即是涅槃；不淨者，即有為法；淨者，諸佛菩薩所有正法。是名不顛倒，以不倒故，知字知義。若欲遠離四顛倒者，應知如是常樂我淨。

疏、是專明勝修。生死有縛著，故無我；聲聞更進趣，故非常；外道以苦捨苦，故是苦；有為多染，是不淨。我者，即如來；只標三寶攝一切法；常即法身，此標三點攝一切法；樂即涅槃，此標四德攝一切法；淨即無為，此標法界攝一切法。然此諸義，不縱不橫，不一不異，不可思議，故得是義，故得是勝。若欲下，勸修。（大般涅槃經集解卷七，大37P405中，生死不得自在，故曰無我。二乘不見常，故無常也。反正見故，不得出苦。夫橫起者，皆有為也。是名不顛倒者，正說勝三修也。）

法華經疏義鑽卷四 唐智度述 卍續45冊 P511上

記結十六意，恐人不悟，更略釋之：一、同味易知。二、約理名別者，法華名實相，涅槃名佛性。三、約機者，此如大獲，謂三周受記，彼如拾芥，謂五千起去，及人天被移。四、約法，彼存藏通別名權，此正直捨方便，名實。五、論帶律儀者，彼扶五篇七聚明常，此經開方便門示真實相。六、語證彼兼小果者，十仙外道皆得羅漢，此經唯開示悟入。七、受益彼無廣記者，彼但有五萬五千無迹本二門授記，此經則有。八、說時長短者，彼是一日一夜，此經八年。九、談常過未來者，此經五百塵點明過常未來，但云常住不滅，彼明未來，經云何得長壽等。十、論譬，此如大陣，謂迦門一代聲聞盡破，本門三世垂迹盡破，名大陣，彼但破聞提及五千名餘黨。十一、現瑞別者，彼面門是口表說敵，流至未來，此眉間表中道會權歸實之理。十二、破執難易者，二乘難破如此經，闡提易破如彼。十三、領解近遠者，彼觀現在經文中事名近，此探領須至法身時，齊教至鹿苑時名遠。十四、述成不等者，彼四教及外道等解其常住，故云善哉善哉，此述唯解於圓。十五、用治生死者，此治敗種名死，彼治有性闡提名生。十六、付囑有下有此者，此經付下方涌出；彼但付此土衆。

注：

- 一、同味，同醍醐味。同時、同第五時。部異：一名法華，一名涅槃。
- 五、五篇七聚，佛光P1197上，五篇為戒律之大科，即①波羅夷，意譯為斷頭，乃戒律中最重之罪，犯者如斷頭，永遠墮棄於僧團之列。②僧殘，為次於波羅夷之重罪，犯者如人被他人所殘，得賴僧眾為其行懺悔之法，以除其罪。③波逸提，意譯為墮，謂犯者墮於寒熱地獄。④波羅提舍尼，意譯作向彼悔，犯者須向其他比丘懺悔。⑤突吉羅，意譯為惡作，謂耳口二業所犯之過。此為五篇。又加上偷蘭遮，意譯作大障善道，即犯波羅夷、僧殘而未成就之罪，為六聚。又更由突吉羅開立惡說，即身所作之罪為惡作，口所說之罪為惡說，則為七聚。
- 六、十仙外道皆得羅漢，見大經卷三十五、三十六，大12P840中至P850下。
- 七、彼但有五萬五千者，此數見於大經卷三十六末，謂「五萬五千菩薩得不退忍」，然其餘受益者為何不列？如經云「十千菩薩得一生實相，萬五千菩薩得二生法界」等。（大經疏大38P230上釋一生為十地等）
- 九、五百塵點劫，見如來壽量品第十六、大9P42中。「云何得長壽」等，大經卷三，大12P619中。
- 十一、現瑞別，大經卷一，大12P605上：「爾時世尊於晨朝時，從其面門放種種光。」法華經卷一，大9P2中：「爾時佛放眉間白毫相光。」
- 十四、善哉等，見大經卷三十五，大12P840中以下十仙得道文。此經述成等，見三周說法之文。
- 十六、付囑有下有此：三大部補注卷八，正續44冊，P220上：「涅槃經中初付迦葉，次付文殊，後付阿難，此土之衆。今經之內，非獨委寄舊住上人，亦乃託付下方菩薩。」

涅槃經疏三德指歸卷十一，子續58冊，P376後上。

- △三人同聞者，所聞之法，有共不共，即空名共，中名不共，而有但中不但中之殊。是知雖談通別，意在圓中，故曰專歸一實。二乘轉教，義當成別，故云引小歸大。通別菩薩利受圓接，故云接偏成圓。方等部中，非無此意，且約彈呵義強，故目偏說。
- △及住方便，未證小果者，即藏教內外凡位也。
- △許其通學等者，許彼通學即色明空，斷惑證聖。又許其通學者，未入無為正位，猶在七賢，故許迴心修菩薩道。此約凡位二乘，未是敗種，故般若容發。若在聖位，須至法華，及以今經，在般若中，但能領業。（參閱妙玄會本下冊P.442；佛陀版下冊P.1335）
- △大般涅槃下，明今經也，超一代上，故曰尊；談常顯實，故稱極。
- △已住小果下，二乘至此，敗種還生，斥廢三修，如哀歎品。（大12，P617上）
- △若爾何以不說法華下，問意者，此文法喻既該五時，何故般若之後便云涅槃，而不云法華耶？
- △法華破小果下答，有三意：
 - 一、約滅小義同。今既正說涅槃，故佛言從省，不言法華，祇由義同，故可從省。
 - 二、又迦葉如來下，約極唱義同。極唱雖同，而彼出淨土，談常則足，乃法華已是涅槃之異稱。此出穢土，將護物機，既廣談常，仍須抉律，隨彼機宜，異名斯立，涅槃之號由是而生。名義雖殊，化意必等，故使佛語互略法華。
 - （疏：又前番小熟者，以法華熟之，後番末熟者更以般若淘汰，今涅槃熟之。釋論云般若至法華後，即此義也。）
- △又前番下，約般若通後，則兩番機緣前後別故。前則般若淘汰，法華成熟；後番則還用般若淘汰，涅槃成熟。故使今經於般若後，便至涅槃。是知次第五時，極乎法華者，據一番機緣以說；若論化人不息，故使鹿苑亦至涅槃。
- △釋論云者，見輔宏記P428十行記文。

輔宏記 p466 三行：“義例云，經中唯譬五道不同，佛性不變，-----濃淡雖殊，皆從牛出。”

Page 2 - 20
Date 101.10.27

止觀義例卷上，大46 p449 上。

義例：如置毒譬，經中唯譬五道不同，佛性不變，五味唯喻一代五時濃淡，濃淡雖殊，皆從牛出。

大經卷二十七，大12 p784 下：

經：師子吼言，一切衆生身不一種，或有天身，或有人身，畜生、餓鬼、地獄之身。如是多身差別，非一，云何而言佛性為一？佛言，善男子，譬如有入置毒乳中，乃至醍醐，皆悉有毒。乳不名酪，酪不名乳，乃至醍醐亦復如是。名字雖變，毒性不失，遍五味中，皆悉如是。若服醍醐，亦能殺人。實不置毒於醍醐中。衆生佛性亦復如是，雖處五道，受別異身，而是佛性，常一無變。

大經疏卷二十六，大38 p188 上：天人六道，其相非一，云何共有一佛性耶？佛答，置毒乳中，隨其五味，毒能遍殺；佛性亦爾，徧一切處。

止觀輔行會本上冊 p641、佛陀版上冊 p725：輔行云，師子吼難云，衆生之身，六道差別，云何而言佛性是一？佛言，譬如有入置毒乳中，乃至醍醐，皆悉有毒。乳不名酪，乃至醍醐；名字雖變，毒味不失。若服醍醐，亦能殺人。實不置毒於醍醐中。佛性亦爾，雖變五道，受別異身，而是佛性，常一不變。

止觀義例卷二，正續 58 冊 p616 上：(義例云)五味唯喻一代五時濃淡，濃淡雖殊，皆從牛出者，恐誤也。應云五味唯喻一代五時相生，相生雖殊，皆從牛出。

輔宏記 p467 七行：“天親呼為下劣小乘，衆香稱為貧所樂法。”

攝大乘論釋卷十三，大31 p248 上：論曰，五下劣轉，由聲聞通達人無我故，由一向背生死，為永捨離生死故。釋曰，人境功能三義皆下劣。是聲聞人故人下劣，但觀人無我故境下劣，心求免離生死自出三界未得究竟，又不能兼濟衆生，故功能下劣。(轉謂轉依，大31 p247 中：轉依者，對治起時，由不淨品分永改本性，由淨品分永成本性。諸業感惡道報名不淨品，道起已後，此不淨品滅不更生，故言永改本性。道及道果名淨品，道即戒定慧，道果即五分法身。道未起時，戒等淨品未成立，但有本性清淨，由道起故，與五分法身及無垢清淨相應，乃至得佛，故言永成本性)注維摩詰經卷八，大38 p402 上：經：彼諸菩薩聞說是已，皆曰未曾有也。如世尊釋迦牟尼佛，隱其無量自在之力，乃以貧所樂法，度脫衆生。肇曰，諸佛平等，迹有參差，由群生下劣志願狹小故，佛隱自在力，同其貧陋，順其所樂，而以齊之。

輔宏記 p468 八行：“法華曰鄙事，涅槃曰偽礪。”

文句會本中冊 p1038、佛陀版下冊 p146：信解品第四，經：為除糞穢，淨諸房舍，---樂為鄙事。

大經卷二，大12 p616 上：汝今遇是佛法寶城，不應取此虛偽之物，譬如商主遇真寶城，取諸瓦礫而便還家。

△ 分別功德品第十七，文句會本下冊P1607，佛陀版下冊P713。

經：於是世尊告彌勒菩薩摩訶薩，阿逸多，我說是如來壽命長遠時，六百八十萬億那由他恒河沙衆生得無生法忍。】

△ 文句下冊P1604，佛陀版下冊P710。

句：夫無生法忍，經論不同。迦旃延子明五法成就，獲不退轉，六度菩薩位也。須陀洹若智若斷，是菩薩無生法忍者，三乘共位也。登初地得無生忍者，別菩薩位也。登初住得無生法忍者，圓菩薩位也。皆聖教明文，不可參濫。】

△ 文句下冊P1608，佛陀版下冊P714。

句：（經云）得無生忍，入十住位也。】

△ 大論卷四，大25P86下。

論：復次阿毘曇中，迦旃延尼子弟輩言，何名菩薩？自覺復能覺他，是名菩薩；必當作佛，是名菩薩。---又言發阿鞞跋致心，從是已後名菩薩。又言若離五法，得五法，是名菩薩。何謂何法？離三惡道，常生天上人間；離貧窮下賤，常得尊貴；離非男法，常得男子身；離諸形殘缺陋，諸根具足；離捨忘，常憶宿命，得是宿命智慧，常離一切惡法，遠離惡人，常求道法，攝取弟子。如是名為菩薩。】

△ 大品般若經卷二十二，大8P381中

經：須菩提是八人若智若斷，是菩薩無生法忍；須陀洹若智若斷，斯陀含若智若斷，阿羅漢若智若斷，辟支佛若智若斷，皆是菩薩無生法忍。】

△ 佛光P5079上：無生法忍。

謂觀諸法無生無滅之理而諦認之，安住且不動心。大論卷五十（大25P417下）：無生法忍者，於無生滅諸法實相中，信受通達，無礙不退，是名無生忍。大乘義章卷十二（大44，P701中）：無生忍者，從境為名，理寂不起，稱曰無生，慧安此理，名無生忍。據大論卷八十六（大25，P662中）：佛示須菩提，二乘人於諸佛菩薩智慧得少氣分，是故八人若智若斷，乃至辟支佛若智若斷，皆是菩薩無生法忍。（意謂）於聲聞之八人地，乃至己辦地、辟支佛地等觀四諦，一切智斷僅得菩薩無生法忍之部分，苦集滅道之四諦，實乃分別諸法實相之一諦，以聲聞為鈍根，故觀四諦而得道；以菩薩為利根，故直觀諸法實相而入道。由此可知，無生法忍，即聲聞於入見道位時見四諦之理；菩薩則於入初地時諦認諸法無生無滅之理，以住不退轉地。

輔行會本上冊 P545; 佛陀版上冊 P618。

輔行: 且如大經三十六文末, 佛說觀因緣智, 四種不同, 得菩提異。說是語時, 十千菩薩得一生實相, 五千菩薩得二生法界。章安云, 三乘同觀第一義諦, 智解不同, 一生二生乃是破無明一品、二品, 實相是別理, 法界是圓理, 即是利根, 接入別圓。

大經卷二十五, 大12 P768下: 善男子, 觀十二因緣智, 凡有四種, 一者下, 二者中, 三者上, 四者上上。下智觀者, 不見佛性, 以不見故, 得聲聞道。中智觀者, 不見佛性, 以不見故, 得緣覺道。上智觀者, 見不了了, 不了了故, 住十住地。上上智觀者, 見了了故, 得阿耨多羅三藐三菩提道。以是義故, 十二因緣名為佛性, 佛性者, 即第一義空, 第一義空名為中道, 中道者, 即名為佛, 佛者名為涅槃。

大經疏卷二十四, 大38 P177中: 十二因緣智下, 双明見不見(佛性), 三種不見, 唯上上能見。十住少見者, 若指住是地, 而言十住皆分見者, 此是別義; 若住非地, 十地則見, 十住不見, 此亦別義。若言十住即十地, 地住皆少見者, 此即圓義; 若言十住非十地, 十住亦少見者, 此亦圓義。若言十住非十地, 而言九住不見, 十住少見者, 此是別接通義。

大經卷三十六, 大12, P852上: 善男子, 一切諸法皆是虛假, 隨其滅處, 是名為實, 是名實相, 是名法界, 名畢竟智, 名第一義諦, 名第一義空。善男子, 是實相法界、畢竟智、第一義諦、第一義空, 下智觀故得聲聞菩提, 中智觀故得緣覺菩提, 上智觀故得無上菩提。說是法時, 十千菩薩得一生實相, 萬五千菩薩得二生法界, 二萬五千菩薩得畢竟智, 三萬五千菩薩悟第一義諦, -----

大經疏卷三十三, 大38 P229下: 下智觀故得聲聞菩提, 中智得緣覺菩提者, 古來有解, 謂三乘異觀。今此文中, 明三乘同觀第一義空, 但智有下中, 成三乘別, 例如三獸度河, 得水深淺, 三乘同觀中道深智即得無上菩提, 淺智但得辟支與聲聞菩提。說是法時十千菩薩下, 明時衆得益。文云得一生實相、二生法界者, 謂十地補處大士以為一生, 九地則是二生。若具論者, 則如法華經損生義說。

涅槃經疏三德指歸卷二十, 正續 58 冊 P489 前下: 三乘異觀者, 乃是今家析法三乘耳。三乘同觀者, 即行門體法三乘也。故引三獸度河為例。同觀中道者, 以今經同了圓常, 故同觀中道, 則是行漸解圓。若以圓位收之, 則聲聞菩提當七信位, 支佛菩提當八信位, 菩薩菩提是初住已上。雖同觀中道, 而隨根利鈍, 證入淺深。此與前四智觀因緣, 不得相類。前四偏圓解脫以成四教, 今三則行漸解圓, 同歸一實。是知前四今三, 不無所以。如法華經損生者, 即分別(功德)品中一生至八世界微塵, 一一配位以說, 而今經有發二乘心者, 以重施故然, 雖發小心, 與前三味(酪、生酥、熟酥)不同, 今此乃是解圓行漸, 但寄二乘法中修行, 云發聲聞等心耳。

妙玄會本下冊P451；佛陀版下冊P1345。

妙玄：通別者，夫五味半滿，論別別有齊限，論通通於初後。故無量義云，次說般若歷劫修行，華嚴海空，法華會入佛慧，即是通至二經。又像法決疑經云，今日座中無央數衆各見不同，或見如來入般涅槃，或見如來住世一劫，或見如來住無量劫，或見如來丈六之身，或見小身，或見大身，或見報身坐蓮華藏世界海，為千百億釋迦牟尼佛說心地法門。---夫日初出，先照高山，日若垂沒，亦應餘輝峻嶺。故蓮華藏海通至涅槃之後，況前教耶！

妙玄：（會本下冊P437；佛陀版下冊P1330。）按無量義經云，次說摩訶般若、華嚴海空歷劫修行者，此是方等之後而明大品。大品或說無常無我，或說於空，或說不生不滅，皆歷色心至一切種智，句句迴轉，明修行法，即是歷劫修行之意也。而言華嚴海空者，若作寂滅道場之華嚴，此非次第。今依法性論云，鈍根菩薩三處入法界，初則般若，次則法華，後則涅槃。因般若入法界，即是華嚴海空。又華嚴時節長，昔小機未入，如聾如瘡，今聞般若即能得入，即其義也。---又解般若之後明華嚴海空者，即是圓頓法華教也。何者，初成道時，純說圓頓，為不解者，大機未濃，以三藏方等、般若，洮汰淳熟，根利障除，堪聞圓頓，即說法華，開佛知見，得入法界，與華嚴齊，法性論中入者是也。故下文云（從地踊出品第十五，大9 P40中）：「此諸衆生，始見我身，聞我所說，即皆信受，入如來慧。」初後佛慧，圓頓義齊，故次般若之後，說華嚴海空、齊法華也。

輔宏記P482五行：“五分法身”。 大毘婆沙論卷三十三，大27 P171下。

△云何無學戒蘊？答，無學身律儀，語律儀，命清淨，無學支中正業，即此中身律儀，正語，即此中語律儀，正命，即此中命清淨，經說此三總名戒蘊。 △大27 P172上：云何無學定蘊？答，無學三三摩地，謂空無願無相。

（見100.6.18.參考資料：三三摩地、三三昧、三解脫門）。 △云何無學慧蘊？答，無學正見智。

△云何無學解脫蘊？答，無學作意相應心，已勝解，今勝解，當勝解。謂盡無生無學正見相應勝解，此蘊所攝故。勝解即有為解脫。此勝解為心所法，故稱有為；以此有為法之勝解，生起於無學阿羅漢之果體中，故稱有為解脫。△云何無學解脫智見蘊？答，盡智（知諸漏滅盡為盡智）、無生智（依諸漏之斷盡，緣後有之無生者為無生智）。

大方等陀羅尼經卷二，大21 P648上，中。

△佛告雷音（比丘），善男子，汝於賢劫當得作佛，名雷音寶王如來。---爾時佛告五百弟子衆，汝等亦當各各作佛，俱同一號，號寶月王如來。

△大21 P649下：文殊菩薩白佛言，世尊，昔於王舍大城授諸聲聞記，今復於舍衛國祇陀林中，復授聲聞記，昔於波羅捺授諸聲聞大弟子記。---爾時舍利弗問文殊師利法王子言，世尊弘慈無量，授我等聲聞大弟子記已，不久當得阿耨多羅三藐三菩提，成一切智，各於世界如今世尊，攝諸衆生常在道場，世尊不虛所言真實，故能第二第三授我等聲聞大弟子記。

輔宏記P483五行：“淨名畧記下之上初云，鹿苑理須密說彈斥。---豈可方等不通於初。”

維摩經略疏卷五，大38 P634中

△如法界性論云，若利根人於摩訶般若入法界，若中根人於法華入法界，下根於涅槃入法界。---問，此經既明入不思議解脫，何得不明入法界耶？答，上轉教觀入不二法門與華嚴法界不殊，但未證入者至後三味（般若、法華、涅槃）。問，若爾法界性論何以不明？答，方等大品，大同小異，大同故二處不殊，小異故二蘇之別。（垂裕記卷七，大38 P799上：至後三味者，約味應二，約經乃三，以法華涅槃同味故。若約此中新入至大品，有如生酥者，法華有如熟酥者，則大經為醍醐，則亦得云三味。）

△略疏卷五，大38 P634上：問，自淨名彈呵之前，亦因有滯方便者因呵轉教何不出之？答，未可定判，故不別出。

△垂裕記卷七，大38 P798上：問，自淨名等者，亦應合有方等生酥通乳酪耶？答，文雖爾，應須具如玄文第十卷中。今若復欲論理有者，鹿苑理密說彈斥，又華嚴中四何須更論，亦是其例。既其一切俱通初後，豈可方等不通於初，準此問前，亦應問後，文無者略。